

重脩浙江通志稿

第五十二冊中
著述

東坡先生全集卷之四

重脩浙江通志稿

第五十二冊中著述

寧波經籍經部

古易正說無卷數

宋豐稷撰

以下易類

案稷字相之鄞縣人嘉祐四年進士官終海州團練使鄞縣志人物有傳此

書載雍正寧波府志藏文書有古易魯詩春秋禮記正說均無卷數疑佚

易傳無卷數

宋陳禾撰

案禾字秀實鄞縣人元符三年進士官中大夫諡文介鄞志人物有傳此書

載雍正寧波志言有易解春秋解語孟解及文集均無卷數疑佚

易解全書無卷數

宋曹粹中撰

案粹中字純老鎮海人宣和六年進士為李莊簡光婿秦檜在相位光時為

參政檜知其名欲識之粹中辭不赴後光敗海內粹中不復仕至張魏公力

荐於朝通判建寧府寧波志人物有傳此書未見

易說十卷

宋翁升撰

案升字南仲慈谿人少從安定胡瑗受易入太學中元豐五年進士以言事

切直沈於選調見慈谿志列傳此書載慈志藏文未見

楊氏易傳二十卷

宋楊簡撰

案四庫提要云簡字敬仲慈谿人乾道五年進士官至寶謨閣學士大中大

夫事跡具宋史道學傳是書為明劉日升陳道亨刻未盡尊經義考載慈湖
易解十卷又已易一卷与此本不合所載自序此本卷首題語相同而無其
前數行亦為小異或曰升等所妄改其書前十九卷皆解經文第二十卷泛
論易學之語間有与序文相複莫詳何故簡之學出陸九淵解易惟以人心
為主象數事物皆在所畧甚至謂繫詞中近取諸身一節為不知道者所偽作
非孔子之言故明楊時喬作易傳考亦為異端元董真卿論林栗易解引朱
子語錄稱楊敬仲文字可毀實簡之務談高遠有以致之也夫易之為書廣
大意備聖人為教精粗本末兼該心性之理未嘗不盡易中特簡等專明此
義遂流於恍惚虛無耳張壽鏞四明集書第一集有此書刻本以文淵閣本
校明刻本多蔡國珍序一篇國珍為曆時人

易經訓傳無卷數

宋王時會撰

案時會字季嘉奉化人乾道五年進士官湖南運管賜緋魚袋知會稽寧波
志人物有傳稱少銳意經學文字簡古尤喜為詩此書未見

易學指要無卷數

宋史彌大撰

案彌大字無考鄞縣人洪子乾道五年進士此書載雍正寧波府志未見

易說易林無卷數

宋胡諱撰

案諱字牧之別號東齋奉化人與弟誼師事正獻袁先生燮傳陸象山學著

易說易林若干卷見雍正浙通志引成化四明志原書未見

易說指圖無卷數 宋王宗道撰

彙宗遺字与文奉化人嘉定元年進士為江東提刑司幹官舊通志文苑有

傳此書載寧波府志親文未見

易釋二十卷 宋舒澥撰

案澥字平史奉化人景定元年入太學誦明正學雖寒暑勿輟著易釋二十

卷又繫詞說三卷不知州原書以行否見舊通志儒林傳

周易鄭康成注一卷 宋王應麟撰

案四庫提要云應麟字伯厚慶元人此從宋史今即自署浚儀蓋其祖籍

祐元年進士寶祐中復中博學鴻儒科官至吏部尚書兼給事中事具宋史

本傳鄭元周易注九卷宋崇文總目惟載一卷至中興書目始不著錄則亡

於南北朝之間故是說之宋案尚能見其遺文淳熙以後諸儒則罕所稱引

應麟始旁摭諸書裒為此帙經文異字皆並存無枉文可綴者總錄末簡又

以元注多言互作取左傳禮記周禮正義中論互作八條以類附焉蒐羅放

失存漢易一錢可謂篤志遺經矣通時惠棟別有考訂本條例較密然經營

淑始實自應麟今並著錄所以兩存其功也

易究十卷

宋史蒙卿撰

蒙卿字景正鄞縣人彌學孫咸淳九年進士官江陰平江教授鄞志人物有傳此書載鄞志藝文引黃潛謂四明之學祖陸氏而宗楊衷言朱子之學者自黃震史蒙卿始繼朱子之學者自夏氏淵大陽先生枋小陽先生品以至於史氏黃氏主於躬行而史氏務明作以達用

中易無卷教

元任士林撰

案士林字希實其先由蜀錦竹徙奉化至大初以中書左丞都某荐授安定書院山長寧波府志文苑有傳此書載經義考四十六錄有自序原書佚

周易集義無卷教

元蔣宗簡撰

案宗簡字敬之鄞縣人師事程端礼及天台翁伯章與同邑鄭覺民王厚孫輩以經義相發明兩為郡庠訓導鄞縣志人物有傳此書據經義考四十六佚

易說無卷教

元袁楠撰

案楠字伯長鄞縣人舉茂才異等起為麗澤書院山長累官至侍講學士鄞縣志人物有傳此書據經義考四十六已佚

遵虞學易衍義無卷教

元史公琬撰

案公琬字楷史鄞縣人延祐間試高等游西州與黃公望柯九思俞鎮輩倡

和自疏達廬居士。鄧志人物有傳。此書據經義考四十六。又有彖數發揮。佚。
古易略說無卷數。明豐慶初撰。

案寅初字復齋。鎮海人。宋尚書樞密之後。世居鄧。寅初充洪武二十七年歲貢。
官九江。德化教諭。鎮海志有傳。此書又見于明堂書目。一作略說。
古易筮法無卷數。明豐慶撰。

案慶字文慶。鎮海人。寅初子。正統四年進士。官河南右布政使。以清廉著。見
鎮海志。奉傳。此書見乾隆鄧縣志。引嘉靖舊志。

請易私鈔無卷數。明楊守陳撰。

案守陳字維新。號鏡川。鄧縣人。景泰二年進士。官吏部侍郎。鄧志人物有傳。
此書有守陳自述曰。易經古文。以伏羲之卦。文王周公之詞。孔子之十翼。各
分為帙。則經傳隔越而不通。今文自坤卦而後。以彖象傳合綴於卦下。以小
象傳分綴於爻下。則經傳混雜而無別。惟若乾卦經文。則猶存古。而且便今。
斯亦可矣。程子之傳主義理。朱子本義重卜筮。各極其精。然易道廣大。卜筮
特其一端。而學者非所當務。易理無窮。程朱間有微漏。而諸儒亦或可補。故首
抄古文。以見其源。次抄今文。皆同乾卦。而雜取於繫詞中之文言。分增各卦
之末。其經傳之下。則各擇程朱及諸儒之說。允主義理者抄之。主卜筮者不

抄經義考四十九云未見

周易解疑無卷數 明洪貫撰

案貫字唯卿鄞縣人成化十三年舉鄉試除教鄞州鄞志人物有傳稱其少受父性之教治易學工古文詞賦有楚漢風格此書又載經義考未見

易经大旨無卷數 明戴圭撰

案圭字秉誠鄞縣人潛心易學踐履篤實學者稱野橋先生鄞志儒林有傳此書又載經義考五十三未見

易注無卷數 明章珙撰

案珙字文重鄞縣人工詩善書鄞縣志有傳此書又見定海志未見

易說一卷 明張邦奇撰

案邦奇字常甫鄞縣人弘治乙丑進士官至南礼部尚書諡文定此書載經義考五十一引祁承燠語載文定公本集尚存

易繫詞解無卷數 明倪復撰

案復字汝新鄞縣人為門人講易及正蒙諸書詞旨洞達聽者莫不悟師道甚尊善引進名士通政余本其一也諸提學使者咸賓礼内江劉瑞尤器重見寧波府志本傳此書未見

易經集解十二卷 贈易備忘錄卷數 明余本撰

東本字子華鄞縣人王德壽未廷對第二人授編修官至南京右通政寧波府志有傳此書載經義考五十二未見

古易世學十七卷 易辨一卷 明豐坊撰

案四庫提要云坊字存礼鄞縣人嘉靖癸未進士除礼部主事先官家居坐法獄兵中改名道生事跡附明史豐熙傳坊平生喜作偽書於諸經皆竄亂篇第別為訓詁詭言古本以欺世此其一也書中正書略說傳義記於遠祖稷曾祖慶父熙而已自為考補其實皆坊一手偽作當代已灼知其妄惟石經大學子貢詩傳申培詩說三書以篆籀寫之一時頗為所惑久之乃能辨定詳具各本條下易辨一卷以孔子授易商瞿文言諸傳為何謂也皆以為商瞿問詞子曰以下皆瞿錄夫子答詞又以周公爻詞謂之易繫論筮法則以彖象而卜繫象為筮大抵無根之談論太極圖說謂朱子得之葛長庚記名周子尤為誣說考朱子太極圖傳及通書解成於乾道九年癸巳見於年譜長庚生於紹興五年甲寅見瓊瑤集長庚事實是注太極圖後二十一年長庚乃生安得指為長庚所授歟

卦玩二卷 明唐本撰

案本峻字田叔鄞縣人尚書大山之子以父任官太常典簿官至運使此書一名卦疏載經義考五十六未見

易學十二卷

明沈一首撰

案四庫提要云一貫字肩吾號蛟門鄞縣人隆慶戊辰進士官至中樞殿大學士事具明史本傳是書掃除先天之說偶及象與卦變亦不甚以為主大旨斟酌於伊川易傳東坡易傳之間以人事為主較紆紆奇偶者為篤實近理然頗借以寓私意說亢龍有悔自解固位招攻之意解訟卦大象說訟九亦解臺諫指擊之事其他借經抒意往往如此他如解日中為市取諸噬嗑與市合同音亦頗穿鑿經義考引陸元輔之言以此書為進士講義考顧起元序稱予昔歸田且十年乃版而行之則其晚年所作非進士本

讀易便解四卷

明屠隆撰

案隆字長卿鄞縣人萬曆丁丑進士除鎮上如縣調青浦陞禮部主客主事歷儀制郎中此書載經義考五十九尚存有隆自序云予自束髮受易苦其難解至以易傳一第而猶憤憤不得其解然則易終不可解乎考亭氏解其可解不盡解其不可解予按本義條解之可解者仍本義之舊不可解者暢以己見而大義了然俾來學讀之便解云

易蠹二卷

明薛三省撰

案經義考六十一三省字魯叔號天谷定海人萬曆辛丑進士官南京北部尚書平諡文介此書存

大易通旨無卷數

明葛文炳撰

案文炳字星垣鄞縣人萬曆十六年舉人官南城知縣鄞志有傳此書未見讀易一鈔易餘四卷卦變考畧一卷明董宇諭撰

案宇諭字次公鄞縣人天啟甲子舉人讀易一鈔易餘有張壽鏞四明叢書

第三集本謂謝山讀易別錄多所取資卦變考畧據四庫提要云成於崇禎

癸未大旨以卦變之說出於漢學程子始廢斥之朱子本義變卦圖不免前

後異例於是上考鄭顓京房蜀才虞翻之屬亦考考焉其言率有根據不同

他家之穿鑿十家考其異同著有讀易一竹二鈔卦變考畧易韻補遺等書

藏於

易解無卷數

清史宗愈撰

案宗愈字及韓號問齋象山人諸生象山志先賢有傳疏文考稱問齋集中河洛析補為八卦方位說取玉齋胡氏之說而小變之謂數或者不行數寡者常遷故河圖之七為乾位六為坤位八為離位九為坎位以胡氏無異惟

胡氏以二補東南為兌三補東北為震四補西南為巽一補東北為艮史說則析一補東北為震二補西南為巽三補東北為兌四補西北為艮與婺源胡方平皆宗朱子易學啟蒙以河圖析補先天八卦方位未識其解於所謂後天八卦方位何如耳

易經補義講解無卷數 清馮仁撰

案仁字天如號補齋慈谿人選子諸生康熙四十一年以歲貢游京師授永康訓導年已七十二慈谿志有傳此書未見

易學四卷 清張懋建撰

案懋建字介石鎮海人雍正七年拔貢旋中順天舉人官福建長泰令有政績見鎮海志本傳此書有錢陳羣序稱張子介石沈潛力學於易道尤邃所著易象陰陽說縱橫貫穿根極義理兼通象數有以闡明朱子之蘊而兼取乎程子邵子之長便由是推而極之所謂致廣大盡精微者在是矣

周易講義無卷數 清袁鰲撰

案鰲字士占鄞縣人讀書求心得於六經秦漢之書無不究極尤邃於易嘗于定漢宋諸儒之說鈎稽辨析得其旨要評王太岳作袁君行狀此書載鄞縣乾隆志藝文未見

周易廣義七卷 清潘允懋撰

案四庫存目云元懋字友碩鄞縣人。是書成於康熙壬子。以朱子本義為主。逐句發明。如注之有疏。又以章句節旨。及義行語氣者。冠於上方。所謂坊刻高頭講章也。

周易通志八卷 清姜炳璋撰

案炳璋字石簪嘉山人。乾隆十九年進士。官江西南縣。是書乾隆壬子。有傳。稱著述共二十一種。凡一百八十五卷。此書一作周易通志。未見。

易傳摘義無卷數 清姜人寬撰

案人寬字無考。嘉山人。炳璋孫。貢生。見蕪湖志。炳璋傳。此書有圖。標序。稱其書平理如衡。吐詞若鏡。學聖而明。不作難深之論。說奇而已。絕非穿鑿之說。足以羽翼經傳。云云。不備錄。

周易索詁十二卷 清倪象占撰

案象占字九三。嘉山人。諸生。乾隆四十五年優貢。嘉山志。先賢有傳。此書刻本甚精。每卦爻辭。難取漢宋各家卦變爻變諸說。有一爻再三變者。所註義說。又不盡出支瓊。其欲合程子易傳。朱子本義。而為一書者。凡八歲而成。未見。

易鏡三卷 清袁一鳴撰

案一鳴字呂和慈谿人乾隆五十四年舉人嘉慶二十四年卒慈志有傳稱其言漢儒尚訓詁宋儒尚義理然不求義理從事訓詁於身心終無益此書載慈志親文未見

易門十二卷 清樂涵撰

案涵字晴嵐號海門鎮海人嘉慶三年舉人官景寧教諭鎮海人物立傳此書有刊本自序稱北闕報罷鍵戶不復出思叩易之門而入焉閱十寒暑成易門一編海內高明之士啟予不逮則幸甚矣又有鴉拳詩什均未見

周易集說二十卷 清楊夏復撰

案夏復字學洙號愚泉鎮海人諸生鎮海志立傳此書沈北霖序略云於注易諸家可采摭者無不披輯條貫可謂擇之精而語之詳矣

周易滙疏五卷 虞氏易消息闡微三卷 清時与撰

案与潤字叙甫慈谿人康熙援例授訓導与同里王約定遊黃式三友善式三謂其精不如約而博亦過之載慈谿志列傳此書未見

易釋四卷 清黃式三撰

案式三字薇香定海人歲貢生以赴鄉試母病卒於家自此不再應鄉試為學不立門戶博綜羣經治易治春秋而尤長三礼詳清史稿儒林傳此書據

自叙以李氏集解王注孔疏相傳朱義及惠所鈔華說鑄閣之討論之融會
彙文傳之所合得其綱領而後推各氏之所發私有所去取作易釋後其子
以周廣搜易經編為十翼統錄朝夕問難因增刪易釋原書曰彙文合釋一
曰同詞今釋二曰疑義分析三曰通釋四藏之家為讀易之門道光戊申之
秋也

周易釋義無卷數 清章有瑜撰

章有瑜字芝玉定海人同治戊午舉人定海志有傳稱於羣經多所研究云
易古訓易費氏學校注無卷數 民國陳漢章撰

葉漢章字伯攷象山人先緒十四年舉人二十四年大挑二等以教職用宣
統二年京師大學史學門畢業歷任北京大學中央大學史學系教授及史
學系主任著述甚多此二書以外屬於經學尚有許毛氏學校注大戴禮記
小戴春秋公羊董義述公羊傳舊疏考讀左補義補周礼正義校補儀礼圖
刊誤爾雅講義爾雅釋例宋嘉祐石經考經義考舉正等書

